

Ներ ունեցող երկրների հետ Հայաստանը ևս ընդգրկվել էր նոր ազդեցությունների ոլորտը: Ուստի կարելի է ենթադրել, որ մշակույթի՝ մեր նկատած ընդհանրությունն ամենուրեք բխում

էր ժամանակի ոգուց ու վերնախավի պահանջներից:

Ա. ԺԱՄԿՈՉՅԱՆ

ԴՎԻՆԻ ԿԵՆՏՐՈՆԱԿԱՆ ԹԱՂԱՄԱՍԻ IX ԴԱՐԻ ՀԱՍԱՐԱԿ ԽԵՑՆՂԵՆՐ

Դվինի IX դարի հասարակ խեցեղենի քննությունը կարևոր նշանակություն է ձեռք բերում Հայաստանի միջնադարյան խեցեղենի ուսումնասիրության բնագավառում, քանի որ հիշյալ ժամանակաշրջանը անցման օղակ է այս և նախորդ ժամանակաշրջանների միջև: Այդ անցման առանձնահատկությունները դիտելու համար անհրաժեշտ է հայացք ձգել նախորդ դարաշրջանների խեցեղենի արտադրության բնույթի վրա:

Խեցեղենի արտադրության տեխնիկան, ինչպես ցույց են տալիս Գառնիից, Արմավիրից, Արտաշատից և այլ հնավայրերից գտնված նյութերը, սկսած վաղ հայկական ժամանակաշրջանից մինչև III—IV դդ., գտնվում էր բարձր մակարդակի վրա, չնայած իր բնույթով անընդհատ փոխվում էր: Սակայն IV դարից սկսած անոթների պատրաստման տեխնիկան նկատելի կերպով հետադիմեց, որն արտահայտվեց անոթների ավելի հասարակ ձևերի պատրաստումով (լայնավիզ սափորներ, ձեռքով սարքված կրճուճների ու այլ անոթների քանակի աճ և ալլըն): Վաղ միջնադարը նախորդ շրջանի հետ համեմատած աչքի է ընկնում խեցեղեն անոթների պատրաստման, դրանց ձևերի ավելի մեծ անկումով, որն արտահայտվում էր ցածրորակ ձևերի օգտագործմամբ, հասարակ ձևերի ավելացմամբ, ինչպես նաև անոթների արտաքին ձևերի փոփոխմամբ: Արհեստային արտադրության մեջ կատարվող այս կտրուկ փոփոխությունները կարելի է բացատրել միայն արտադրական հին հարաբերությունների և քաղաքների անկումով, արհեստավորական կենտրոնների տեղափոխմամբ քաղաքներից՝ ավանները, ամրոցները, իսկ հետագայում՝ արարական գերիշխանությամբ:

VIII դարի վերջից սկսած խեցեղենի արտադրության մեջ զգալի աշխուժացում է նկատվում: Առաջին հերթին այն արտահայտվում է ջնարակի լայն կիրառմամբ, որը հեղաշրջում էր խեցեղենի արտադրության բնագավառում: Երկրորդն է դալիս կավն անոթների ստանդարտիզացիան, որն արդեն մասսայական արտադրության սկիզբ էր նշանակում: Որոշակի փոփոխություններ են նկատվում անոթների ձևերի

մեջ, եթե կարասները և կճուճները հիմնականում փոփոխության չեն ենթարկվում, ապա սափորների և քրեղանների ձևերի մեջ այդ անցումները շատ զգալի են: Գրեթե անհետանում են տանձաձև իրանով և լայն հատակով սափորները, որոնց փոխարինում են կլոր, քիչ երկարավուն իրանով անոթները: Փոխվում է նաև կանթերի ձևը. եթե նախորդ ժամանակաշրջանի կանթերն իրենց ձևով և միացման եղանակով որոշ աղերսներ ունեին անտիկ շրջանի խեցեղեն անոթների կանթերի հետ, ապա այստեղ արդեն միացումները բոլորովին այլ կերպ են կատարվում: Քրեղանների ձևերը հատկապես ցայտուն երևան են դալիս ջնարակած անոթների մեջ, Բուրդուլին նոր տիպ են օղակավոր նստուկով, թեք բարձր պատերով և դեպի ներս ծավալած պսակով թասերը, թեև դրանց նախատիպերը հայտնի են Արտաշատի I—II դդ. շերտերից: Նկատելի փոփոխություն է զգացվում անոթների արտաքին հարդարանքում:

Դվինի կենտրոնական թաղամասի 1964—1973 թթ. պեղումների ժամանակ գտնված IX դարի խեցեղենը խիստ հետաքրքրական է: Այն գտնվել է արարական դրամներով և հարակից այլ նյութերով լավ թվագրվող շերտում: Անոթների մեծ մասը դուրս է եկել պեղվող շինության մեջ մտնող մեծ հորերից: Ըստ ձևերի և կիրառման հնարավորությունների այդ խեցեղենը կարելի է բաժանել հետևյալ խմբերի.

1. Լայնաբերան կճեճ.— Գտնվել է 6 հատ (բեկորներով), որից երկուսը շինության տնտեսական սենյակներից մեկում (2305/127, 128*), պատերից թափված քարերի տակ (աղ. II, 1): Հավանաբար այդ անոթներում սննդամթերք է պահվել (պահպանվել են մնացորդները): Կճեճը պատրաստված են մանրահատիկ դեղնավուն կավից, ունեն ձվաձև, երբեմն կլոր իրան (բարձր.՝ 50—55 սմ, հատակի տրամագիծը՝ 12—16 սմ, բերանի բացվածքը՝ 9—12 սմ): Վիզը հա-

* Տե՛ս ՀՍՍՀ ԳԱ «Լրաբեր» (հաս. դիտ.), 1969, № 4, էջ 75—82:

* Այստեղ և հետագայում տրված են Հայաստանի պատմության թանգարանի կոլեկցիոն համարները:

զարդարված է շրջանաձև անցնող նեղ ակոսներով (շուրջ երեք տասնյակ): Պետք է ասել, որ նման զարդամոտիվը բնորոշ չի եղել հայկական միջնադարյան խեցեղենի զարդարվեստին: Այն դրեթե չի հանդիպում նաև ավելի վաղ շրջանում: Նույն տիպի սափորներ հանդիպում են Վերաստանում, առավելապես միջնադարյան շերտերում:

1970 թ. պեղումներից հայտնի են շեփորաձև վզով և ակոսավոր պսակով երկու սափորների շրթամասեր կանթերով, որոնք առաջին անգամ են հանդիպում IX դարի շերտում (աղ. 1, 2): Սափորներն ունեն անթերի կատարում, պատրաստված են մանրահատիկ գորշ կավից, փայլեցված են: Կանթը միացված է քիչ կորույթյամբ (մեկինը կոտրված է) և իր ձևով հիշեցնում է անտիկ շրջանի նույնատիպ անոթների կանթերը:

ԿՆՈՒՃՆԵՐ.— Կենտրոնական թաղամասում հայտնաբերված կնուճները բաժանվում են երկու մեծ խմբի՝ կանթով և անկանթ: Այս ստորաբաժանումն ինքն իրեն արդարացնում է, քանի որ կանթերը, անկախ անոթների չափերից և ձևերից, միատիպ են, իսկ անկանթ անոթների մանրամասների ձևավորումը կատարված է միևնույն սկզբունքով:

Կանթով կնուճներն իրենց հերթին բաժանվում են՝ կիսակլոր կանթերով անոթների և ձևավոր ալիքաձև ու ելուստաձև կանթերով (ունկերով) անոթների:

Կիսակլոր կանթերով կնուճները հավաքածուի մեջ ընդամենը չորսն են: Նման կանթերով անոթների բեկորներ շատ են հայտնաբերվել (միայն 1965 թ. Ծ—19 քառակուսու մեծ հորում՝ շուրջ երկու տասնյակ):

Այս տիպի անոթների մեջ խիստ հետաքրքրական է կարմրավուն խեցի ունեցող, ձեռքով պատրաստված կնուճը, ուռուցիկ իրանով, համեմատաբար կարճ վզով: Պսակը նեղ է և քիչ դուրս փռված (աղ. 1, 8): Հատակը հարթ է և ավելի լայն, քան բերանը: Կավը խոշորահատիկ է, իսկ թրծումը կատարված է անբավարար, որը երբևիցե է կոտրվածքում: Անոթը կատարյալ է հարդարանքով և չափերի համամասնությամբ (պահպանվել է կնուճի մի կեսը, ուղղահայաց առանցքով): Կանթերը (մեկ զույգ) կտրվածքում տափակ են: Ուսի վրայով շուրջանակի անցնում է լայն գոտի՝ երկրաչափական զարդով: Վերջինս փորագիր է և կազմված է իրար հասող շեղ գծերից, որի հետևանքով առաջացել են շեղանկյուններ և եռանկյուններ: Ամբողջ զարդը վերին և ստորին կողմերից վերցրված է ակոսի մեջ, որի վրայով զնում են փորագիր ստորակետանման փոքր գծիկներ: Կանթի վերին մասի միացման աջ կողմում արված է ներճրկված կլոր փոսիկ, որը կարծես թե կապ չունի


ընդհանուր հարդարանքի հետ: Երկրորդ կանթը բացակայում է (բարձր.՝ 26,5 սմ, հատակի տրամագիծը՝ 15 սմ, բերանի տրամագիծը՝ 13 սմ):

Նույն խմբի մեջ է մտնում մի այլ կնուճ (պահպանվել է 1/3-ի չափով, հորիզոնական առանցքով դեպի վեր): Պատրաստված է դուրգի վրավիզր կարճ է, իսկ բերանը՝ լայն (20,5 սմ): Կանթն իր վրա երկու կողմից կրում է ակոսներ: Իրանի հետ միացման տեղում կանթի ստորին մասից տարածվում են վերադիր ալիքաձև հավելվածներ: Կնուճը ներկված է կարմիր գույնով, բայց ներկը հավասարաչափ չի տարածված: Իրանի վերին մասով շուրջանակի զնում է նույն զարդագոտին, որը նկարագրվեց նախորդ անոթի կապակցությամբ: Սակայն այստեղ զարդը կատարված է ոչ թե փորագրման եղանակով, այլ փայլեցումով:

Վերոհիշյալ երկու, դրեթե միանման անոթների առկայությունը (պահվում են Դվինի հնագիտական բազայում) հիմք է տալիս եզրակացնելու, որ զարդարման այս ձևը միջնադարում երբևիցե է դալիս IX դարում և կիրառվել է միայն կնուճների հարդարման համար: Ամբողջ վաղ միջնադարում նման զարդեր չեն հանդիպում: Այդ զարդը չի հանդիպում նաև հետագա դարերում, որն, ըստ երևույթին, կապվում է նրա սխեմատիկ բնույթի հետ և խեցեղենի արտադրության մեջ չի կիրառվել: Հետևապես կարելի է ենթադրել, որ նման զարդամոտիվը բնորոշ է IX—X դարերին:

Պակաս հետաքրքրություն չեն ներկայացնում նաև փայլեցումով կատարված զարդերը: Այս տեսակի հայտնի է շատ հնուց: Միջին դարերում այն տարածված էր հատկապես վաղ ֆեոդալական ժամանակաշրջանում: Այդպիսի զարդերով անոթներ հայտնի են Գառնիի V—VI դդ., Դվինի V—VIII դդ. շերտերում (տե՛ս 1964 թ. պեղումները, 2305/62 ամբողջական քրեղանը, որը հայտնաբերվել է Դվինի միջնաբերդի արևելյան լանջին, ներքուստ ամբողջովին պատած է փայլեցրած գծերով, որոնք արված են կարմիր գույնի ֆոնի վրա): Նման տիպի անոթներ կան նաև կենտրոնական թաղամասի հավաքածուում: Սակայն IX—X դդ. այդ զարդանախշը ընդհանրապես դուրս է գալիս կիրառությունից: Նման երևույթը մենք բացատրում ենք նաև այն հանգամանքով, որ IX—X դդ. արդեն խեցեղեն անոթների զարդարման մեջ լայն տարածում էր ստանում գաճը, որն ավելի ճոխ էր գեղարվեստական տեսակետից և հեշտ՝ աշխատանքային առումով:

Կիսակլոր կանթերով կնուճների մեծ մասի կանթերը անմիջապես միանում են բերանի պսակին և օուրկ են նախազարդումից, իսկ



Աղյուսակ 1

առանձին նմուշների վրա վերին մասում սուր կլոր գործիքով արված են զույգ շրջաններ:

Ուշադրության է արժանի 2305/96 կճուճի բեկորը, շրթի և վզի պահպանված մասով: Կճուճը պատրաստված է ձեռքով, բաց կարմրավուն է և շատ վատ է թրծված: Կճուճի բերանը նեղ է (9 սմ), ստորին պահպանված մասից երևում է, որ ունեցել է նեղ ու երկար իրան: Անոթն ունի զույգ՝ կլոր հատվածքով փոքր կանթեր, որոնք վերին մասում միացած են պսակին, իսկ վզի կենտրոնական մասում ունի երկու ելուստաձև կանթ, որոնք ըստ երևույթին դեկորատիվ նշանակություն ունեն: Դվինի կենտրոնական թաղամասում հայտնաբերված նյութերի մեջ սա միակ դեպքն է, երբ երկու տիպի կանթեր հանդես են գալիս միասին:

Ձևավոր կանթերով կճուճները բաժանվում են չորս ենթախմբի: Առաջին ենթախմբի համար բնորոշ է 2326/83 անոթը, կարմրավուն, ձեռքով պատրաստված, հարթ հատակով և լայն բերանով (բարձր.՝ 16,8 սմ, հատակի տրամագիծը՝ 10,5 սմ, բերանի տրամագիծը՝ 17,1 սմ): Կճուճի իրանը ուռուցիկ է, վիզ գրեթե շունի, պսակը կլոր է, մոտ 60° տակ դուրս թեքված: Որպես պարտադիր կանոն այս տիպի անոթները խիստ մրապատ են: Կճուճն ունի չորս կանթ, երկուսը ուսի վրա (մեծ) և երկուսը՝ իրանի կենտրոնում (փոքր), հորիզոնական դիրքով կիսակլոր են: Կանթի այս ձևերը շատ են հանդիպում հետագա դարերում, հատկապես խոհանոցային անոթների և մեծ կաթսաների վրա: Նման կանթերը քիչ ավելի այլ մշակմամբ և ժամանակաշրջանով ավելի ուշ (X—XI դդ.) հանդիպում են Սյունիքում, Լեռնային Ղարաբաղի հուշարձաններում, Օրեն-Կալայում⁴ և այլուր: Դվինի միջնաբերդում ևս այդ տիպի կանթով կճուճներ են գտնվել, բայց քիչ քանակությամբ: Կիրառական տեսակետից բացի դրանք հետաքրքիր են նրանով, որ մի տեսակ անցնում են կիսակլոր կանթից դեպի ձևավոր, ելուստաձև:

Ականջաձև կանթերով (երկրորդ ենթախումբ) կճուճները հիմնականում երկու տիպի են՝ դուրգի վրա պատրաստված և ձեռքով: Դուրգի վրա պատրաստված անոթները աչրի են ընկնում իրենց լավ մշակումով, կավի համեմատաբար լավ որակով: Ջափերն ավելի համամասն են, իսկ վզի, բերանի և պսակի ձևավորումը՝ կատարյալ: Ձեռքով պատրաստված կճուճների արտաքին մակերեսներն անհարթ են, հատակները՝ կպցրած, բերանները՝ թերի մշակված: Երկու տիպերն էլ

կարմրավուն կավից են, խիստ մրապատ (կիրառական տեսակետից այս անոթներն առնչվում են առաջին խմբի հետ): Անոթները լայնաբերան են, ուռուցիկ իրանով և հարթ հատակով (աղ. 11, 2): Այս տիպի կճուճների մոտ մի հետաքրքիր օրինակություն է նկատվում. դա բերանների տրամագծերի և անոթների բարձրությունների համապատասխանությունն է (բարձր.՝ 14—22,5 սմ, հատակի տրամագիծը՝ 10,5—12 սմ, բերանի տրամագիծը՝ 13,5—22,5 սմ): Կճուճներն ունեն պարզունակ զարդեր՝ շուրջանակի գնացող ակոսներ, ալիքաձև մի զծանի և, համեմատաբար շատ տարածված, փայտի սուր ծայրով սեղմված զարդեր, որոնք գերազանցապես անոթի ուսի վրայով են գնում: Կճուճներից մեկի (2449/49) պսակի տակով սեղմումով արված ալիքաձև զարդ է գնում: Կճուճների ունկավոր կանթերը դրված են իրանի ուռուցիկ մասում, ամրացված են հորիզոնական դիրքով և սեղմված են դեպի վեր: Կանթերը ըստ երևույթին առաջացել են հորիզոնական գծով ամրացված կիսակլոր կանթերի անմիջական ազդեցության տակ: Նման կանթերով անոթները հանդիպում են գերազանցապես IX—X դդ. շերտերում, ինչպես Դվինում, այնպես էլ Անդրկովկասի այլ հուշարձաններում: Այս կանթերը Դվինում երևան են գալիս հավանաբար VII—VIII դդ. 5 և բավական լայն տարածում են ստանում IX դարում: Երրորդ ենթախմբի կճուճներն իրենց արտաքին տեսքով նման են նախորդ անոթներին (բարձր.՝ 12,5—14 սմ, հատակի տրամագիծը՝ 9—10,5 սմ, բերանի տրամագիծը՝ 14—15 սմ), տարբերվում են միայն կանթերի ձևերով: Այս խմբի համար բնորոշ են 2326/82 և 2449/51 կճուճները: Երկուսն էլ պատրաստված են ձեռքով, կարմրավուն, խոշորահատիկ կավից և ունեն հորիզոնական դուրս ցցված պսակ և շատ կարճ վիզ: Զարդերը պարզ են և կազմված են ուսի վրայով գնացող և վզի մասում առկա շուրջանակի ակոսներից (երկուսից չորս զույգ): Կանթերն ալիքաձև են և ականջաձև կանթերի ուղղակի հետևանք: Նման կանթերով կճուճներ հանդիպում են Թբիլիսիի միջնադարյան շերտերում⁵:

Չորրորդ ենթախումբը կազմում են հորիզոնական և՛ ուղղահայաց ելուստաձև կանթերով կճուճները, որոնք իրենց ձևերով բազմազան են: Ի տարբերություն նախորդ տիպերի, այս խմբի մեջ մտնող անոթներն ունեն կատարյալ

⁵ Ա. Քալանթարյան, Դվինի նյութական մշակույթը V—VIII դդ., Երևան, 1970, աղ. XXVI, 1, 2, 4:

⁶ Ո. Զեյդոմցով, Օ. Եյեմեջև-Յոլով, Նշվ. աշխ., աղ. 28, 182:

⁴ Г. М. Ахмедов, Неполивная керамика Орен-Кала, IX—XIII вв., МИА, № 67, 1959, էջ 188, աղ. I, 3:

մշակում, կավը մանրահատիկ է և գերազանցապես դեղնավուն: Անոթները պատրաստված են դուրդի վրա:

Ելուստաձև կանթերով կճուճների մեջ ուշագրավ է 2326.43 անոթը (աղ. 11, 4): Այն համեմատաբար փոքր է (բարձր.՝ 9 սմ, հատակի տրամ.՝ 6,6 սմ, բերանի տրամ.՝ 10,2 սմ), լայն բերանով և բիշ թևքով խոնոդ պատկերով, որը իրանի ստորին մասում կտրուկ անցում է կատարում դեպի հատակը: Ունի նեղ, քիչ զնայի վեր բարձրացող պսակ: Իրանի կենտրոնով անցնում է ալիքաձև զարդ, որը վերցված է երկու զույգ շուրջանակի զնացող ակոսների մեջ: Կճուճն ունի շորս ելուստաձև կանթեր՝ երկուսը հորիզոնական, իսկ երկուսը՝ ուղղահայաց դիրքով, որոնք սիմետրիկ կերպով դասավորված են կենտրոնական մասում: Նման տիպի կճուճներ հայտնի են Մերձավոր Արևելքում՝ հատկապես Սամառայում և Նույնպես թվագրվում են IX դարով⁷: Նույն տիպի անոթներ, ըստ երևույթի, արտադրվել են նաև Միջին Ասիայում: Ելուստաձև հորիզոնական կանթով, հարթ հատակով ուռուցիկ անոթներ հայտնի են Մերձում, որոնք նույնպես թվագրվում են IX դարով⁸: Նման ձևերի լայն տարածումը խոսում է նրանց մասսայականության մասին: Նույնատիպ կանթերով կճուճներ Դվինի կենտրոնական թաղամասում հայտնի են ևս մի քանի օրինակով: 1965 թ. Ծ—19 քառակուսու մեծ հորում հայտնաբերվեցին մի քանի բեկորներ, որոնց մեջ իր զարդարումով աչքի է ընկնում դեղնավուն մանրահատիկ կավից պատրաստված մի անոթի կեսը (անհամար, պահպանվում է Դվինի հնագիտական բաղայում): Կճուճն ունի քիչ ուռուցիկ իրան, մոտ 18 սմ բարձրություն: Այստեղ ևս հորիզոնական և ուղղահայաց ելուստաձև կանթերը զուգորդում են մեկը մյուսին, միայն այն տարբերությամբ, որ կանթերը զրկված են իրանի վերին մասում: Կանթերի այս դիրքը բնորոշ է Սամառայի խեցեղենին: Անոթի մակերեսը փայլեցված է և կրում է մի քանի զույգ ակոսավոր, շուրջանակի զնացող զարդեր: Կճուճն ունի փոքրիկ, դուրս թեքված, տափակ պսակ, դրավերին մասում արված է ալիքաձև զարդ, որն ավելի է հարստացնում անոթի տեսքը (աղ. I, 7):

Հետաքրքիր է նշել, որ ելուստաձև կանթ ու-

նեցող անոթները իրենց վրա անպայման կրում են նաև այլ տիպի կանթեր, որոնք դուրս դեկորատիվ նշանակություն ունեն: Այսպես, անոթներից մեկը (պահպանվել է վերին մասը, զրտնրվում է Դվինի հնագիտական բաղայում) իր ձևով և կավի որակով նման է նախորդ անոթին, կանթը ելուստաձև է, զրկված անմիջապես պսակի վրա: Անոթն ունի նաև երկու զեկորատիվ կանթեր, որոնք պսակի տակ են, վերադիր են, մատով սեղմված և ունեն ալիքաձև տեսք: Նույնատիպ կանթերով մեկ այլ անոթի վրա միամասնակ երկու կողմից ուռուցիկ զնանաձև ելուստներ կան: Վերջին երեք անոթներն իրենց մշակմամբ, դույնով, կանթերի ձևով և զարդերով այնքան մոտ են կանգնած միմյանց, որ նրանց՝ միևնույն արհեստանոցի արտադրանք լինելը կասկածից վեր է: Կարևոր է նաև այն հանգամանքը, որ դրանք գտնվել են միևնույն տեղից և թվագրվում են IX դարով:

Ելուստաձև հորիզոնական և ուղղահայաց դիրքով կանթեր Դվինում հայտնի են ինչպես վաղ միջնադարում, այնպես էլ ավելի ուշ՝ XII—XIII դդ. նյութերի մեջ⁹: Սակայն ավելի ուշ շրջանում դրանք սակավ են հանդիպում: Պետք է ասել, որ XII—XIII դդ. նման կանթով անոթներն իրենց վրա կրում են բրոնզե կաթսանների ձևերի անմիջական ազդեցությունը: Այդ տրագիկան հավանաբար դալիս է շատ վաղ ժամանակներից:

Անոթների մյուս մեծ խումբը ներկայացված է անկանր կնուճներով: Դրանք տարբեր են իրենց չափերով և զարդամոտիվներով: Այս տարբերություններով հանդերձ անոթներն ունեն որոշ ընդհանրություններ, մասնավորապես պսակների ձևավորման մեջ: Քննարկվող անկանթ կճուճների մեծ մասի պսակները եռաստիճան են և իրենց վրա կրում են փորագիր զարդեր: Պետք է նշել, որ նման պսակներով անոթների բեկորներ շատ են հանդիպում Դվինի կենտրոնական թաղամասում, հատկապես IX դարի շերտերում:

1968 թ. Ա—21 քառակուսում, 2,0 մ խորությամբ վրա հայտնաբերվեց մի մեծ կճուճ (բարձր.՝ 33 սմ, բերանի տրամագիծը՝ 24 սմ, հատակի տրամ.՝ 25 սմ), ուղղահայաց կանգնած վիճակում, կիսով չափ թաղված գետնի մեջ, բերանը ծածկված ողորկ մարմարի տված սալով: Կճուճը պատրաստված է դեղնավուն կավից, շատ լավ մշակված է: Ունի կլոր իրան, հարթ հատակ, համեմատաբար երկար վիզ և լայն բերան: Պրսակի միջին, ուռուցիկ մասում կան փայտով սեղմված զարդեր: Վզի և իրանի միացման տեղում արված է ակոսավոր զարդ, իսկ իրանի

⁷ F. Sarre. Die Ausgrabungen von Samarra, Band II. Die Keramik von Samarra, Berlin, 1925, էջ 21, նկ. 65.

⁸ С. Б. Лунин а. Гончарное производство в Мерве X—начала XIII вв., Труды Южно-Туркестанской археологической комплексной экспедиции, т. XI. Ашхабад, 1962, էջ 227, նկ. 7:

⁹ Կ. Գաֆարյան, Դվին քաղաքը և նրա պեղումները, Երևան, 1952, նկ. 174:

վերին մասով շուրջանակի անցնում է սանրի օղնությամբ արված նեղ ալիքաձև զարդամոտիվ, որը երկու կողմից վերցված է երեք շարք ակոսների մեջ: Կճուճն օգտագործվել է մթերք պահելու համար:

Նույն տիպի պսակով՝ ղեղնավուն մի կճուճ հայտնի է 1964 թ. Ը—19 բառակուսու հորից (2449/52): Այստեղ իրանը ափսի երկարավուն է, ունի հաղիվ նշմարվող լայն վիզ, բերանը ավելի լայն է, հատակը՝ հարթ (բարձր.՝ 22,5 սմ, բերանի տրամ.՝ 16,5 սմ, հատակի տրամ.՝ 10,5 սմ): Կճուճն իր զարդով, պատրաստման տեխնիկայով, ինչպես նաև շափերի համամասնությամբ համապատասխանում է նախորդին և ամենայն հավանականությամբ միևնույն արհեստանոցի վրա վարպետի արտադրանքն է: 1964 թ. Ի—19 բառակուսում VIII—IX դդ. շերտերում հայտնարեքվեցին նրբախեցի մի կճուճի բեկորներ, որոնց արտաքին մակերեսը փայլեցրած է: Խեցին շատ ամուր է, որը խոսում է լավ թրծման մասին: Անոթն ունի քիչ ուռուցիկ իրան, կարճ ու լայն վիզ: Պսակը ետ է ծավալած և սեղմումով ալիքաձև տեսք է ստացել: Իրանի և վիզի միացման տեղում առկա է փոքր, ուռուցիկ, շրջանաձև ղեցող զարդ: Նույն տեղում դտնվեց նաև մի ուրիշ կճուճի հատակի բեկոր՝ իրանի մի մասով: Այն ևս պատած է կարմիր ներկով և փայլեցված: Սակայն այստեղ առկա է փայլեցումով կատարված զարդ, որն անոթին առանձին շքեղություն է հաղորդում:

Անկանթ կճուճներից մեկը իր արտաքին տեսքով շատ մոտ է կանգնած ունկավոր կանթերով մեծ կճուճների ձևերին: Դրանք իրենց վրա կրում են տարրեր զարդեր՝ ակոսներ, ալիքներ, փայտով փորագրված զարդեր: Անոթը կարմրախեցի է, կավը՝ խոշորահատիկ: Հիշյալ խմբի կճուճների բաղմամբիվ օրինակներ (ամբողջական և բեկորներով) հայտնի են 1972—1973 թթ. պեղումներից (աղ. 1, 4, 6): Դրանք իրենց ձևերով, հատկապես պսակների ձևավորումով (ակոսավոր), որոշ աղբյուրներ ունեն նախորդ շրջանի նույնատիպ անոթների հետ:

Քրեյվեններ.— Դվինի կենտրոնական թաղամասում գտնված բրեղանները ղեղաղանցալիս խոր են, հաստալիս և ունեն հարթ հատակ (աղ. II, 6): Այս ձևը զալիս է ղեղնա նախորդ շրջանից և բավական լայն տարածում է ստանում X—XIII դդ. ինչպես Դվինում, այնպես էլ հայկական այլ հնավայրերում: Քրեղանները պատրաստված են դուրդի վրա, ունեն բավական լավ մշակում, պսակները լայն են և դիպի ետ ծավալած: Չափերն են. բարձր.՝ 9—13,5 սմ, հատակի տրամագիծը՝ 10,5—13,5 սմ, բերանի տրամագիծը՝ 22,0—36,0 սմ: Այս խմբի մեջ են

մտնում նաև կանթավոր անոթները, որոնցից շատ բնորոշ է 2305/119 քրեղանը: Արտաքուստ, վերին մասում անոթն ունի 3—4 շարք ակոսավոր, ներձկված զարդեր: Կանթերը կտրվածքում կտր են և անմիջապես միանում են փոքր և ուղիղ կտրված պսակին: Հատակը նույնպես հարթ է (բարձր.՝ 22,0 սմ, բերանի տրամագիծը՝ 12,0 սմ, հատակի տրամագիծը՝ 10,0 սմ): Քրեղանների այս օրինակները գտնվել են շինության հատակի վրա և թվագրվում են VIII—IX դդ.: Նման քրեղանների բեկորներ մեծ քանակությամբ հանդիպում են պեղվող ողջ հատվածում:


Նստուկով, բարակալիս բրեղանների բեկորներ գրեթե չեն հանդիպում: Սակայն նույն տիպի, բայց ջնարակած անոթների առկայությունը խոսում է այն մասին, որ նրանք ևս պետք է լայն տարածում ունենային այդ զարաշրջանում:

1972—1973 թթ. հայտնաբերվել են ղեղնավուն կավից, կոր պատերով, ներս թեքված ակոսավոր պսակներով բրեղաններ, որոնց պսակների եզրերը ալիքաձև են: Այս տիպի քրեղանները առաջին անգամ են հանդիպում IX դարի շերտերում և հավանաբար բնորոշ են եղել այդ ժամանակաշրջանին:

1970 թ. Դվինի կենտրոնական թաղամասի 2—21 բառակուսում, 1,10 մ խորություներից, X դարի շինության մնացորդների միջից գտնվեց թասի մի բեկոր (շրթնամաս), որն ամբողջությամբ պատած էր զարդադուրներով: Գոտինների մեջ պատկերված է լայնատերև, երկար ցողուններով և պտուղներով ինչ-որ բույս (դուցե արմավենի), խառը տեղադրված. արմավենու պտղի կօրիզներ հիշեցնող զարդերով: Բուսական զարդերի միջև արված են մանր կետեր: Պետք է ասել, որ նման յուրահատուկ զարդամոտիվով խեցեղեն հանդիպում է առաջին անգամ և դժվար է որևէ բան ասել նրա տեղական ծագման վերաբերյալ: Կաղապարով պատրաստված թասի մի հետաքրքիր օրինակ կա Սամառայում¹⁰, որը լուրջ արտաքին նմանություն ունի Դվինի օրինակին:

Մուրակավուր անոթներ.— Ծորակով անոթներ, մասնավորապես սափորներ, Դվինի միջնաբերդում գտնվել են մեծ քանակությամբ: Կենտրոնական թաղամասում նրանք հայտնի են միայն 1965 թ. պեղումներից, այն էլ քիչ քանակությամբ: Անոթներից մեկը կճուճ է (2326/69), լայն բերանով և երկար վզով: Կանթերն անոթի համեմատությամբ մեծ են և ստորին մասով միանում են կճուճի ուռուցիկ իրանին: Իրանի կենտրոնում կա ծորակ, որն անփույթ միացվել է անոթին (ծայրը կտրված է): Կճուճը պատրաստված է ձեռքով, ղեղնավուն կավից (բար-

¹⁰ F. Sarre, նշվ. աշխ., էջ 22:




1




2



3



4



5



6



7



8

ձերը՝ 13,0 սմ, բերանի տրամագիծը՝ 9,0 սմ, հատակի տրամագիծը՝ 7,5 սմ): Երկու այլ բեկորներ (պահում են Դվինի հնագիտական բազայում) պսակներ են և պատկանում են կաթնամանների Դրանք ունեն փոքրիկ ծորակներ, որոնք արված են անմիջապես պսակի տակ: Անոթներից մեկը պսակի վրա ունի հորիզոնական տափակ կանթ: Ուշագրավ է ծորակով սափորի բեկորը, գտնված նույն տեղից: Ունի իրար կպած զույգ ծորակներ, որոնց երկու կողմերից արված են կնունճանման զարդեր: Սափորը պատրաստված է մանրահատիկ դեղնավուն կավից: Զույգ ծորակներով սափորներ Դվինում չեն հայտնաբերվել, և դա առայժմ միակ օրինակն է:

Խվեբ և կավաբիշներ.— Շինության տնտեսական բաժիններից դուրս են եկել մեծ քանակությամբ խփերի բեկորներ, որոնք իրենց ձևերով բազմազան են և տարբեր նպատակների համար են օգտագործվել: Խփերի առկայությունը կենտրոնական թաղամասում և նրանց բազմազանությունը բխում է տնտեսական նշանակություն ունեցող կավանոթների առատությունից: Իրենց ձևերով խփերը բաժանվում են հետևյալ խմբերի. կարասների խփեր, լայն բերանով մեծ կճուճների խփեր և նեղ բերանով անոթների խփեր և կափարիշներ:

Կարասների խփերը մեծ են (տրամագիծը՝ 50,0—55,0 սմ) և խիստ մասսիվ: Պատրաստված են ձեռքով. խոշորահատիկ կավից և վատ են թրծված, որը երևում է խփի կտրվածքից: Ունեն կլոր հորիզոնական բունակ և գուրկ են նախազարդումից, եթե չհալվեն եզրերին մատով սեղմված ներձկված զարդերը: Այս տիպի խփերը կենտրոնից թիչ շեղված կլոր անցք ունեն, որը հավանաբար արված է քաղցուի եռման ժամանակ զազերի դուրս մղման համար: Պետք է ասել, որ կենտրոնական թաղամասում 1964—1970 թթ. հայտնաբերված եղենաձև լայն գոտեզարդ ունեցող կարասների բերանների տրամագծերը համընկնում են այս տիպի խփերի տրամագծին: Նման խփեր մեծ քանակությամբ հայտնի են Դվինի միջնաբերդից, որտեղ դրանք մի մասը իր վրա կրում է տարբեր դրոշմներով արված հարուստ զարդանախշեր:

Երկրորդ տիպի խփերը համեմատաբար քիչ են: Դրանք իրենցից ներկայացնում են կլոր բեկավառակ, կենտրոնում բարձր ակոսավոր բրունակով (աղ. II, 8), խփերից մեկն ունի հորիզոնական բունակ, որի տակով անցնում են շրջակենտրոն ակոսներ: Համեմատաբար գեղեցիկ հարդարված է խփի եզրը և խփերի մի մասն ունի փոքր շափեր և լավ մշակում (աղ. II, 5, 7): Բունակներն ուղղահայաց դիրք ունեն, վերջանում են քիչ փոս ընկած ծայրով: Այս խփերը

գերազանցապես պատրաստված են կարմրավուն կավից և լավ թրծված են (տրամագիծը՝ 16,0 սմ, բունակի բարձր.՝ 2,4 սմ): 1967 թ. գտնվել է մի փոքրիկ կափարիչ, որի տրամագիծը 7,0 սմ է. այն ունի ուղղահայաց բարձրացող բունակ, որի ծայրը կոտրված է (տրամագիծը՝ մոտ 3,6 սմ):

Այստեղ մենք չենք ուզում կանգ առնել պատրաստման եղանակի ընդհանուր կողմերի վրա, որովհետև նրանք պարտադիր են զրեթե ողջ միջնադարի համար: Սակայն խփերի առանձին մասերի ձևավորման դրոշում, իհարկե, մեծ դեր են խաղացել կոնկրետ ժամանակահատվածում գործող ձևերը. ճաշակը և այլն: Այդ են վկայում բունակների ձևերը, Հորիզոնական բունակները նորույթ չէին խեցեղենի արտադրության մեջ, սակայն այս տիպերը հանդես են գալիս VIII—IX դդ. և տարբեր ձևերով գոյատևում մինչև XIII դարը (Դվինում): Պետք է ասել, որ այս երևույթը ավելի ցայտուն երևան է գալիս կավանոթների արտադրության մեջ:

Ձյրաեղևազներ.— Կենտրոնական թաղամասում ձիթաճրագներ քիչ են գտնվել, սակայն դրանց համար բնորոշ է միատիպությունը: Ծրագներն ունեն կլոր, ուռուցիկ իրան, ոչ շատ լայն պսակ, խոզովակաձև երկար քթիկ (անցքով), որ իրանին միացվել է առանձին (աղ. II, 3): Կանթերը կտրվածքում կլոր են և վերին մասով միանում են պսակին, հատակները հարթ են, տափակ: Բոլոր ձրագները պատրաստված են ձեռքով (բարձր.՝ 4,5—8,0 սմ, բերանի բացվածքը՝ 4,0—5,0 սմ, հատակի տրամագիծը՝ 4,0—5,0 սմ): Ելնելով ձրագների արտաքին տեսքից, կարելի է ենթադրել, որ նրանք կապվում են մետաղական ձևերի հետ¹¹: Բացառված չէ նաև, որ դրանք անտիկ շրջանի նավակաձև ձրագների հետադա զարգացած ձևերն են: Ծրագների այս տիպը Հայաստանում երևան է գալիս VII—VIII դդ. (Դվին): Անդրկովկասում այն հայտնի է Մինդեշաուրից¹² և Թբիլիսիից¹³: Պոլուկավոր ձրագների բացակայությունը IX դարի շերտում խոսում է այն մասին, որ դրանք (մասնավորապես Դվինում) երևան են գալիս սկսած X դարից և լայն տարածում են ստանում XII—XIII դդ.:

Ա. ՔԱԼԱՆԹԱՆՅԱՆ

¹¹ O. M. Dalton, Catalogue of early christian antiquities and objects from the Christian East in the Departament of British Mediaval antiquities and etnography of the British Museum, London, 1901, էջ 103, աղ. X, XXVII. 525

¹² P. M. Бандо в, Мингечаяр в III—VIII вв., Баку, 1961.

¹³ Ռ. ՅՇԵԼՈՄՅՈՒՄ, Ռ. ԺՅԵՇԵԼՈՄՅՈՒՄ, աշխ. աղ. 29, 1931: